

- a) pribavi saglasnost Osnivača kod svih statusnih promjena (promjena naziva, sjedišta, djelatnosti i drugih promjena utvrđenih zakonom),
 - b) da jedanput godišnje Osnivaču podnosi izvještaj o poslovanju,
 - c) druge obaveze predviđene zakonom.
- Dosadašnji čl. 9. do 20. postaju čl. 10. do 21.

Član 2.

U Odluci o osnivanju Javne ustanove "Služba za zapošljavanje Kantona Sarajevo" Sarajevo ("Službene novine Kantona Sarajevo", br. 11/00 i 27/06), član 10. mijenja se i glasi:

"Član 10.

Organ upravljanja u Službi je Upravni odbor.

Predsjednika i članove Upravnog odbora imenuje i razrješava Vlada Kantona Sarajevo u skladu sa zakonom i podzakonskim aktima.

Upravni odbor se sastoji od pet članova od kojih su predstavnici osnivača četiri člana.

Jedan član Upravnog odbora, u pravilu, se imenuje iz reda stručnih zaposlenika Ustanove.

Predsjednik i članovi Upravnog odbora imenuju se na period od četiri godine i mogu biti ponovo imenovani.

Direktor ustanove ne može biti član Upravnog odbora.

Član 3.

U Odluci o osnivanju Javne ustanove "Služba za zapošljavanje Kantona Sarajevo" Sarajevo ("Službene novine Kantona Sarajevo", br. 11/00 i 27/06), iza člana 11. dodaje se novi član 12., koji glasi:

"Član 12.

Vlada Kantona Sarajevo će razriješiti predsjednika i članove Upravnog odbora, direktora i predsjednika i članove Nadzornog odbora Ustanove i prije vremena na koje je imenovan, ako utvrdi da je odgovoran za neuspješan ili nezakonit rad ustanove, na njegov lični zahtjev, u slučaju da Skupština Kantona Sarajevo ne usvoji Izvještaj o poslovanju Ustanove, odnosno Izvještaj o radu sa Izvještajem o finansijskom poslovanju Ustanove i u drugim slučajevima utvrđenim zakonom i pravilima ustanove.

Pravilima Ustanove će se precizirati posljedice mogućeg neusvajanja Izvještaja o poslovanju, odnosno Izvještaja o radu sa Izvještajem o finansijskom poslovanju Ustanove, kao i postupak i način razrješenja predsjednika i članova Upravnog odbora i direktora Ustanove prije isteka vremena za koje su imenovani."

Dosadašnji čl. 12. do 20. postaju čl. 13. do 21.

Član 4.

Ovlašćuje se Zakonodavno-pravna komisija Skupštine Kantona Sarajevo da utvrdi prečišćeni tekst Odluke o osnivanju Javne ustanove "Služba za zapošljavanje Kantona Sarajevo" Sarajevo.

Član 5.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-05-24532/07 Predsjedavajući
26. septembra 2007. godine Skupštine Kantona Sarajevo
Sarajevo dr. Denis Zvizdić, s. r.

Na osnovu člana 12. stav 1. tačka j), člana 13. stav 1. tačka e) i člana 18. stav 1. tačka b) Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04), članova 3., 6., 26., 33. i 34. Zakona o ustanovama ("Službeni list RBiH", broj 6/92, 8/93 i 13/94) i čl. 71. i 87. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj 16/02, 8/03, 2/06 i 21/06), Skupština Kantona Sarajevo, na sjednici održanoj 26. septembra 2007. godine, donijela je

ODLUKU

**O IZMJENI I DOPUNI ODLUKE O OSNIVANJU
KANTONALNE JAVNE USTANOVE "DOM ZA
SOCIJALNO ZDRAVSTVENO ZBRINJAVANJE OSOBA
SA INVALIDITETOM I DRUGIH OSOBA"**

Član 1.

U Odluci o osnivanju Kantonalne javne ustanove "Dom za socijalno zdravstveno zbrinjavanje osoba sa invaliditetom i drugih osoba" ("Službene novine Kantona Sarajevo", broj 27/06), član 11. (Način razrješavanja organa upravljanja), mijenja se i glasi:

"Član 11.

(Način prijevremenog razrješenja organa upravljanja, organa rukovođenja i organa kontrole poslovanja)

Vlada Kantona Sarajevo će razriješiti predsjednika i člana Upravnog odbora, direktora i predsjednika i člana Nadzornog odbora Ustanove i prije vremena za koje je imenovan, ako utvrdi da je odgovoran za neuspješan ili nezakonit rad ustanove, na njegov lični zahtjev, u slučaju da Skupština Kantona Sarajevo ne usvoji Izvještaj o poslovanju Ustanove, odnosno Izvještaj o radu sa Izvještajem o finansijskom poslovanju Ustanove i u drugim slučajevima utvrđenim zakonom i pravilima ustanove.

Pravilima Ustanove će se precizirati posljedice mogućeg neusvajanja Izvještaja o poslovanju, odnosno Izvještaja o radu i finansijskom poslovanju Ustanove, kao i postupak i način razrješenja predsjednika i člana Upravnog odbora, direktora i predsjednika i člana Nadzornog odbora Ustanove i prije isteka vremena za koje je imenovan."

Član 2.

Ovlašćuje se Zakonodavno-pravna komisija Skupštine Kantona Sarajevo da utvrdi prečišćeni tekst Odluke o osnivanju Kantonalne javne ustanove "Dom za socijalno zdravstveno zbrinjavanje osoba sa invaliditetom i drugih osoba".

Član 3.

Ova Odluka stupa na snagu osmog dana od dana obmanjivanja u "Službenim novinama Kantona Sarajevo".

Broj 01-05-24531/07 Predsjedavajući
26. septembra 2007. godine Skupštine Kantona Sarajevo
Sarajevo dr. Denis Zvizdić, s. r.

Na osnovu člana 12. stav 1. tačka j), člana 13. stav 1. tačka e) i člana 18. stav 1. tačka b) Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04), članova 3., 6., 26., 33. i 34. Zakona o ustanovama ("Službeni list RBiH", broj 6/92, 8/93 i 13/94) i čl. 71. i 98. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj 16/02, 8/03 i 21/06), Skupština Kantona Sarajevo, na sjednici održanoj 26. septembra 2007. godine, donijela je

ODLUKU

**O IZMJENI I DOPUNI ODLUKE O OSNIVANJU
KANTONALNE JAVNE USTANOVE "PORODIČNO
SAVJETOVALIŠTE"**

Član 1.

U Odluci o osnivanju Kantonalne javne ustanove "Porodično savjetovalište" ("Službene novine Kantona Sarajevo", broj 27/06), član 11. (Način razrješavanja organa upravljanja), mijenja se i glasi:

"Član 11.

(Način prijevremenog razrješenja organa upravljanja, organa rukovođenja i organa kontrole poslovanja)

Vlada Kantona Sarajevo će razriješiti predsjednika i člana Upravnog odbora, direktora i predsjednika i člana Nadzornog odbora Ustanove i prije vremena za koje je imenovan, ako utvrdi da je odgovoran za neuspješan ili nezakonit rad Ustanove, na njegov lični zahtjev, u slučaju da Skupština Kantona Sarajevo ne usvoji Izvještaj o poslovanju Ustanove, odnosno Izvještaj o radu sa Izvještajem o finansijskom poslovanju Ustanove i u drugim slučajevima utvrđenim zakonom i pravilima ustanove.

Pravilima Ustanove će se precizirati posljedice mogućeg neusvajanja Izvještaja o poslovanju, odnosno Izvještaja o radu sa Izvještajem o finansijskom poslovanju Ustanove, kao i postupak i način razrješenja predsjednika i člana Upravnog odbora, direktora i predsjednika i člana Nadzornog odbora Ustanove i prije isteka vremena za koje je imenovan."

Član 2.

Ovlašćuje se Zakonodavno-pravna komisija Skupštine Kantona Sarajevo da utvrdi prečišćeni tekst Odluke o osnivanju Kantonalne javne ustanove "Porodično savjetovalište".

Član 3.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-05-24533/07 Predsjedavajući
26. septembra 2007. godine Skupštine Kantona Sarajevo
Sarajevo dr. **Denis Zvizdić**, s. r.

Na osnovu člana 12. stav 1. tačka j), člana 13. stav 1. tač. b) i e), člana 18. stav 1. tačka b) Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04), članova 3., 6., 26., 33. i 34. Zakona o ustanovama ("Službeni list RBiH", broj 6/92, 8/93 i 13/94), člana 35. stav 4. Zakona o zdravstvenoj zaštiti ("Službene novine Federacije BiH", broj 29/97) i člana 71. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj 16/02, 8/03, 2/06 i 21/06), Skupština Kantona Sarajevo je, na sjednici održanoj 26. septembra 2007. godine, donijela

ODLUKU

O IZMJENAMA I DOPUNAMA ODLUKE O OSNIVANJU JAVNE USTANOVE TERAPIJSKA ZAJEDNICA - KAMPUS KANTONA SARAJEVO

Član 1.

U Odluci o osnivanju Kantonalne javne ustanove Terapijska zajednica-Kampus Kantona Sarajevo ("Službene novine Kantona Sarajevo", broj 28/03, 21/04 - Ispravka i 10/05), u članu 9. stav 1. mijenja se i glasi:

"Kampus je odgovoran Osnivaču za rezultate svog rada i djelovanja u svim oblastima za koje je nadležan.

Obaveze Kampusa prema osnivaču su da:

- a) pribavi saglasnost Osnivača kod svih statusnih promjena (promjena naziva, sjedišta, djelatnosti i drugih promjena utvrđenih zakonom)
- da jedanput godišnje Osnivaču podnosi Izvještaj o poslovanju
- druge obaveze utvrđene Zakonom".

Član 2.

Član 10. briše se.

Član 3.

Iza člana 13. dodaje se novi član 14. koji glasi:

"Član 14.

Vlada Kantona Sarajevo će razriješiti predsjednika i člana Upravnog odbora, direktora i predsjednika i člana Nadzornog odbora Ustanove i prije vremena za koje je imenovan, ako utvrdi da je odgovoran za neuspješan ili nezakonit rad Ustanove, na

njegov lični zahtjev, u slučaju da Skupština Kantona Sarajevo ne usvoji Izvještaj o poslovanju Ustanove, odnosno Izvještaj o radu sa Izvještajem o finansijskom poslovanju Ustanove i u drugim slučajevima utvrđenim zakonom i pravilima ustanove.

Statutom Ustanove će se precizirati posljedice mogućeg neusvajanja Izvještaja o poslovanju, odnosno Izvještaja o radu sa Izvještajem o finansijskom poslovanju Ustanove, kao i postupak i način razrješenja predsjednika i člana Upravnog odbora, direktora i predsjednika i člana Nadzornog odbora Ustanove i prije vremena za koje je imenovan".

Dosadašnji čl. 14. do 19. postaju čl. 15. do 20.

Član 4.

U članu 15. stav 3. mijenja se i glasi:

"Saglasnost na opšti akt kojim se uređuju plaće, unutrašnja organizacija rada, druga važna pitanja između zaposlenika i poslodavca, kao i organizacija i sistematizacija poslova Kampusu daje Ministarstvo za rad, socijalnu politiku, raseljena lica i izbjeglice Kantona Sarajevo."

Član 5.

Ovlašćuje se Zakonodavno-pravna komisija Skupštine Kantona Sarajevo da utvrdi prečišćeni tekst Odluke o osnivanju Javne ustanove Terapijska zajednica-Kampus Kantona Sarajevo.

Član 6.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-05-24534/07 Predsjedavajući
26. septembra 2007. godine Skupštine Kantona Sarajevo
Sarajevo dr. **Denis Zvizdić**, s. r.

Na osnovu člana 12. stav 1. tačka c. i člana 18. stav 1. tačka b. Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04), člana 6. Zakona o ustanovama ("Službeni list RBiH", broj 6/92, 8/93 i 13/94) i člana 6. Zakona o pozorišnoj djelatnosti ("Službene novine Kantona Sarajevo", broj 14/00 i 25/06), Skupština Kantona Sarajevo, na sjednici održanoj 26. septembra 2007. godine, donijela je

ODLUKU

O IZMJENAMA I DOPUNAMA ODLUKE O OSNIVANJU JAVNE USTANOVE "SARAJEVSKI RATNI TEATAR - SARTR"

Član 1.

U članu 3. stav 2. Odluke o osnivanju javne ustanove "Sarajevski ratni teatar - SARTR" ("Službene novine Kantona Sarajevo", broj 3/99- Prečišćeni tekst), riječi: "Dalmatinska 2/III", zamjenjuje se riječima: "Ćemaluša br. 1/II".

Iza stava 2. dodaju se novi st. 3. i 4. koji glase:

"Naziv i sjedište Teatra iz st. 1. i 2. ovog člana može se promijeniti."

"Odluku o promjeni naziva i sjedišta Teatra donosi Skupština Kantona Sarajevo (u daljnjem tekstu: Skupština) na prijedlog Vlade Kantona".

Član 2.

Iza člana 5. dodaje se novi član 5.a koji glasi:

"Djelatnost Teatra iz člana 5. ove Odluke može se proširiti ili promijeniti."

"Odluku o proširenju ili promjeni djelatnosti donosi Skupština na prijedlog Vlade Kantona".

Član 3.

U članu 9. iza riječi "pravila" dodaju se riječi: "pravilnik o unutrašnjoj organizaciji i sistematizaciji", a ostali dio teksta ostaje nepromijenjen.